

柳田文庫
文庫11
D 316
1



柳田文庫
文庫11
D 316
1

丁
第七十三号

文庫 11
D 316
1

諸葛亮武誌

五三十一集
上

010190566574

序

或有問於予曰忠武誌何為而作也予應之曰為臣而忠天之性也三代而下人多溺於利欲之習而不知忠義之經獨有武侯毅然純忠立元臣之極則予故表其風徽使天下後世知武侯醇儒之學王佐之才有所感發興起而忠愛之心油然而生焉

柳田泉文庫

諸葛亮武誌 序

文庫 11
D 316
1

諸葛亮武誌

序

或有問於予曰忠武誌何為而作也予應之曰為臣而忠天之性也三代而下人多溺於利欲之習而不知忠義之經獨有武侯毅然純忠立元臣之極則予故表其風徽使天下後世知武侯醇儒之學王佐之才有所感發興起而忠愛之心油然而生焉

柳田泉文庫

諸葛亮武誌 序

010190566574

或曰才者天姿之美學者涵養之功激之
見於詞命顯之著於事功武侯淡泊明志寧
然歟曰然其有所試矣武侯淡泊明志寧
靜致遠清心之學也高臥隆中三顧而起
出處之正也受遺託孤之死靡他忠貞之
至也道不拾遺野無醉人治國之善也師
出以律百姓安堵將兵之長也用人盡其

器能誅罰使人不怨刑賞之平也開誠布
公集思廣益休休之量也其言親賢臣遠
小人則興隆遠賢臣親小人則傾頽開國
承家之龜鑑也至於七擒七縱先服南人
之心而後得致力北伐信大義於天下又
妙選蔣琬董允輔助於內陳興德之言閉
邪慝之徑以至官府次舍橋梁道路無不

思正志 卷之二
整齊理民之幹治軍之略兼長而備美使人
詎思比於沒世不忘非功德盛隆曷克臻此乎
陳同甫曰治者實也禮樂者文也有其實者必有其文故文中子云武侯無死禮樂可興朱子稱之曰武侯智慮日益精明威望日益隆重俱從寡欲養心中得來良有以也程子曰大臣功蓋天下必誠

積於中動不違理威福不自己出然後無專權之過斯可謂明哲君子矣周公孔明其人也嗚呼周公聖人也程子以周公孔明並稱其推許武侯至矣或曰武侯有王佐之才而不能光復漢業何也曰討賊明義武侯之所能者人也運移漢祚武侯之所不能者天也然而綱目書昭烈紹漢正

忠正言 卷之一
三
統光昭後世亦可以無恨矣使武侯遇孔子之時必在顏曾之列遇湯武之時必居伊周之右豈區區管蕭之比乎或曰允若茲武侯之所以不朽者不僅文章已也曰有德者必有言武侯亦何嘗少文章哉蘇子瞻曰武侯出師二表簡而且盡直而不肆與伊訓說命相表裏陳壽亦曰武侯聲

教遺言經事綜物公誠之心形於文墨足以知其人之意理而有補於當世故述其文集以教忠焉或者唯唯而退回悉次其語以冠簡端云

昔

賜進士出身
康熙四十有四年歲次乙酉仲秋月穀旦

太子太保兵部尚書兼都察院右都御史
總督河道提督軍務加六級遂寧張鵬翮
撰

[Faint bleed-through text from the reverse side of the page]

忠武誌目錄

卷之一

圖像

本傳

年表

世系

卷之二

心書

新書

卷之三

遺文

卷之四

遺制

卷之五

遺事

用人

勝蹟

卷之六

表

碑記

卷之七

銘

贊

評

卷之八

論

辨



忠武遺像



忠武遺像

卷之二 忠武遺像

一

忠武誌

卷之二

二

序文

卷之九

詩

卷之十

賦

跋

漢丞相忠武侯諸葛公像贊

儒者之氣象王佐之經綸去利以懷義純忠而得
仁託六尺之孤洵君子也行公平之政乃一个
臣哉

遂寧張鵬翮



忠武綸巾羽扇像




致身曰忠定亂曰武功著三分名彰千古莘楚渭
濱易地皆然彼管仲樂毅又何足數


襄平羅景




總圖



卧龍岡




忠武侯祠圖



蟠伏崇岡西接太行之脉虹飛素練南歸江漢之
 源緣此地靈故生人傑功延漢鼎因崇祠宇千年
 事記豐碑共誌草廬三顧田庄隔水雲樹參天城
 郭埋烟閭閻撲地門外躬耕多士孰繼前賢堂中
 抱膝無人空餘勝跡


樹議祀功創自習隆之表遣官致祭繼傳嘉靖之
 年碧榭雕欄自是成由勅建花榭鴛瓦由來巧極
 人工然而滄海桑田盈虛有數唐陵宋寢興廢靡
 常遂令奕世人龍風殘雨蝕以致千秋俎豆狐走
 烏啼今特重整於工師還奉當時舊制并繪圖於
 簡冊以爲後世規模

諸葛書院圖



諸葛書院創自元至大二年程鉅夫作記逮於明
 未為流寇焚燬廢為牧馬之場康熙庚午前郡守
 朱璘重建至今幾二十年復摧殘為邱墟惟存後
 閣上供文昌茲仍其舊制而葺理一新聊存遺跡
 以垂不朽


三顧祠圖



三顧祠圖
 卷之二

地因三顧名遂千秋枉駕隆中史美求賢之切應
 徵帝胃功標繼絕之崇魚水相歡固所願也君臣
 合祀不亦宜乎

卧龍書院圖



舊諸葛書院在武侯祠左余欲廣大之為教育人材之所嗣因堪輿之說及闔郡紳士之請因建書院於祠前置講堂兩序後營數椽以供炊爨書院成因以卧龍名焉

忠武誌卷之一

遂寧張鵬翻輯

潘陽劉廷璣

全校

建安方允猷

昭烈漢帝也諸葛漢丞相也勢雖偏據於蜀統實正承於漢自陳壽欲帝魏乃書曰蜀為武侯作傳亦曰蜀志且序侯事甚略凡屬曹馬之所緝者多隱而不宣世乃以其辭簡意舉稱為良史才不亦異乎復見張南軒補傳詳略得宜誠為信史而侯之興漢討賊死而後已一片忠肝義膽與日月爭光矣誌本傳

本傳

宋右文殿修撰張栻

諸葛亮字孔明瑯邪陽都人蚤孤從父元依劉表亮從元來荊州元死遂家於南陽隆中幼與潁川徐庶元直及石廣元孟公威游學三人務爲精熟亮獨觀其大略每晨夜從容抱膝長嘯而謂三子曰卿等可至郡守刺史也問其所志但笑而不言公威念鄉欲還亮曰中國饒士大夫遨遊何必故鄉邪稍長躬耕隴畝好爲梁父吟時人莫測也惟與庶及博陵崔州平友善而重龐德公每獨拜牀下而德公亦稱之爲卧龍河南名士黃承彥謂亮聞君擇婦身有醜女才堪相配亮許即載送之時人爲之諺曰莫學孔明擇婦止得阿承醜女建安十二年左右將軍豫州牧劉玄德來荊州訪

世事於襄陽司馬德操德操曰腐儒俗士豈識時務識時務者在乎俊傑此間自有伏龍鳳雛問爲誰曰諸葛孔明龐士元也徐庶見左將軍於新野左將軍器重之庶曰諸葛孔明者卧龍也將軍豈願見之乎左將軍曰君與俱來庶曰此人可就見不可屈致也將軍宜枉駕顧之左將軍遂詣亮凡三往乃見因屏人曰漢室傾頽奸臣竊命主上蒙塵孤不度德量力欲信大義於天下而智識淺短遂用猖獗至於今日然志則不已也君謂計將安出亮曰自董卓以來豪傑並起跨州連郡者不可勝數曹操比袁紹則名微而衆寡然操遂能克紹以弱爲強非惟天時抑亦人謀也今操擁

百萬之衆挾天子而令諸侯此誠不可與爭鋒孫權據有江東已
歷三世國險民附賢能爲之用此可與爲援而不可圖也荆州北
據漢沔利盡南海東連吳會西通巴蜀此用武之國而其主不能
守此殆天所以資將軍將軍豈有意乎益州險塞沃野千里天府
之土高祖因之以成帝業劉璋闇弱張魯在北民殷國富而不知
存恤智能之士思得明君將軍旣帝室之胄信義著於四海總攬
英雄思賢如渴若跨有荆益保其巖阻西和諸戎南撫彝越外結
好孫權內修政理天下有變則命一上將將荆州之軍以向宛洛
將軍身率益州之衆出於秦川百姓孰不箪食壺漿以迎將軍者

乎誠如是則伯業可成漢室可興矣左將軍曰善於是與亮情好
日密關羽張飛等不悅左將軍曰孤有孔明猶魚之有水也願諸
君勿復言亮時年二十七劉表愛少子琮長子琦不自安問亮以
計亮不對他日獨與升高樓徹梯而後問之亮曰君不見申生在
內而危重耳在外而安乎琦感悟求出守江夏明年表卒琮立會曹
操南侵琮遣使迎降而不以告操兵至宛左將軍始聞之亮說左
將軍曰攻琮荆州可有也左將軍不忍乃引去荆人多歸之衆至
十餘萬操引精騎急追及於長坂左將軍棄妻子獨與亮等數十
騎走至夏口亮曰事急矣請奉命求救於孫將軍時權擁兵柴桑

觀望成敗亮說權曰海內大亂將軍起兵據有江東劉豫州亦收
衆漢南與曹操共爭天下今操芟夷大難略已平矣遂破荊州威震
四海英雄無所用武故豫州遁逃至此將軍量力而處之若能以
吳越之衆與中國抗衡不如早與之絕若不能當何不按兵束甲
北面而事之今將軍外託服從之名而內懷猶豫之計事急而不
斷禍至無日矣權曰苟如君言劉豫州何不遂事之乎亮曰田橫
齊之壯士耳猶守義不辱况劉豫州王室之胄英才蓋世衆士仰
慕若水之歸海事之不濟此乃天也安能復爲之下乎權勃然曰
吾不能舉全吳之地十萬之衆受制於人吾計決矣非劉豫州莫

可以當曹操者然豫州新敗之後安能抗此難乎亮曰豫州軍雖
敗於長坂今戰士遺者及關羽水軍精甲萬人劉琦合江夏戰士
亦不下萬人曹操之衆遠來疲敝聞追豫州一日一夜行三百餘
里此所謂強弩之末勢不能穿魯縞也故兵法忌之曰必蹶上將
且北方之人不習水戰又荊州之民附操者逼兵勢耳非心服也將
軍誠能命猛將統兵數萬與豫州協規同力破操軍必矣操軍破
必北還如此則荆吳之勢強鼎足之形成成敗之機在於今日權
大悅即遣周瑜程普魯肅等水軍三萬隨亮詣左將軍併力拒操
遂破操於赤壁左將軍南征收江南以亮爲軍師中郎將使督零

陵桂陽長沙三郡調賦稅以充軍實羣下推左將軍爲荊州牧治
公安孫權來請結好左將軍欲往見之亮以爲不可左將軍固往
至則周瑜果請留之權不從左將軍既歸歎曰天下智謀之士所
見略同如此十六年益州牧劉璋遣法正迎左將軍亮關羽等留
守荊璋命左將軍擊張魯十七年返兵擊璋十八年圍雒亮與張
飛趙雲等沂江定白帝江州江陽十九年與左將軍會圍成都成
都平左將軍領益州牧以亮爲軍師將軍署左將軍府事於是並
用羣才凡劉璋所嘗授任及其婚姻與所排擯忌恨悉別其器能
處以顯任有志之士無不競勸亮佐益州政尚嚴法正謂亮曰高

祖人關約法三章秦民知德宜緩刑弛禁以慰新附亮曰秦政苛
急天下土崩高祖因之可以安濟劉璋闇弱自焉以來文法羈縻
互相承奉德政不舉威刑不肅蜀土人士專權自恣君臣之道漸
以陵替寵之以位位極則賤順之以恩恩竭則慢所以致弊實由
於此吾今威之以法法行則知恩限之以爵爵加則知榮榮恩並
濟上下有節爲治之要於斯著矣左將軍領兵向漢中亮鎮守成
都足食足兵左將軍嘗急調兵亮以問蜀部從事楊洪洪曰漢中
益之咽喉今日之事男子當戰女子當運發兵何疑亮乃表洪爲
蜀郡太守調度皆辦亮用人惟其才能不論資歷先後洪初爲李

忠貞堂 卷之一
平功曹及平遷犍爲守洪已爲蜀郡洪門下書佐何祇有才智舉
郡吏數年拔守廣漢時洪猶在蜀郡也西土皆服亮能盡時人器
用類如此二十一年曹操爲魏王二十二年操建天子旌旗出警
入蹕二十四年左將軍敗操兵於漢中亮帥羣下上左將軍爲漢
中王表聞漢帝時孫權稱帝於操遂襲殺關羽取荊州二十五年
亮勸漢中王誅劉封封本寇氏之子王至荊州以未有繼嗣育而
子之後與孟達守上庸關羽呼封達自助不肯往後與達忿爭達
叛降魏封破敗還成都亮以封凶猛易世之後終難制御故勸王
止其罪而誅之是歲冬曹丕篡立改元黃初明年傳聞漢帝被弑

漢中王發喪制服羣下請稱尊號王未許亮曰曹氏篡漢天下無
主大王劉氏苗裔紹世而起乃其宜也王從之夏四月丙午即皇
帝位改元章武以亮爲丞相錄尚書事假節策曰朕遭家不造奉
承大統兢兢業業不敢康寧思靖百姓懼未能綏於戲丞相亮其
悉朕意無怠輔朕之闕助宣重光以昭明天下君其勗哉於是置
百官立宗廟祫祭高皇帝以下皆亮實左右之是歲秋帝忿關羽
之敗帥諸軍伐吳以報怨亮留守成都明年春亮聞帝兵敗還永
安歎曰使法孝直在必能諫上不東行也帝不豫三年春召亮會
永安亮至永安四月病篤謂亮曰君才十倍曹丕必能安國終定

忠貞堂記 卷之一
大事嗣子可輔輔之如其不才君可自取亮涕泣曰臣敢不竭股肱之力效忠貞之節繼之以死帝又爲詔戒救其子且曰汝與丞相從事事之如父帝崩亮得遺詔太子即位於成都改元建興封亮武鄉侯領益州牧事無巨細皆決於亮亮發教羣下曰夫參署者集衆思廣忠益也若遠小嫌難相違覆曠損矣違覆而得中猶棄敝蹻而獲珠玉然人心苦不能盡惟徐元直處茲不惑又董幼宰參署七年事有不至至於十反來相啟告苟能慕元直之什一幼宰之殷勤有忠於國則亮可以少過矣又曰初交州平屢聞得失後交元直勤見啟誨前參事於幼宰每言則盡後從事如

偉度數有諫止雖姿性鄙暗不能悉納然與此四子終始好合亦足以明其不疑於直言也幼宰名和嘗與亮同署左將軍府事偉度亮主簿胡濟也自昭烈駐永安吳人懼有後圖復來請和會昭烈崩亮方深慮權有異計尚書鄧芝見亮曰王上幼弱新立宜遣大使往申吳好亮曰吾思之久矣未得其人耳今始得之芝問誰亮曰即使君也自遣芝往孫權悅通好如初亮引一時名士如蔣琬張裔等皆入丞相幕府又妙簡舊德使佐益州於是以秦宓爲別駕王梁爲功曹杜微爲主簿譙周爲勸學從事皆行義素著鄉里敬慕之杜微者節尤高自先主定蜀微常稱病聳閉戶不出及亮

辟置輦而致之既至力求去亮於座與書曰曹丕篡弒自立是猶
土龍芻狗之有名也欲與羣賢因其邪偽以正道滅之丕方大興
勞役以向吳楚今因丕多務且閉境勸農育養民物並治甲兵以
待其挫然後伐之可使兵不戰民不勞而天下定也君但當以德
輔時不責君軍事何爲汲汲求去微乃留亮更薦爲諫議大夫先
是益州郡渠帥雍闓殺太守而附吳吳以闓爲永昌太守永昌功
曹呂凱府丞王伉率吏士閉境拒守闓不能進使郡人孟獲誘扇
諸夷牂牁太守朱褒越嶲王高定皆應闓亮以新遭大喪亦撫
而未討開闕息民勸農殖穀魏司徒華歆等抵亮諷使稱藩亮不

報書作正議以示人其大略曰昔世祖創迹舊基奮羸卒數千摧
莽彊旅四十萬於昆陽之郊據道討淫不在衆寡軍誠曰萬人必
死橫行天下昔軒轅氏整卒數萬制四方定海內而況以數十萬
之衆據正道而臨有罪可得而干擬哉三年春始率衆南征四郡
詔賜金鈇鉞一具曲蓋一前後羽葆鼓吹各一部虎賁六十人亮
至南首表呂凱王伉執忠守義拜凱雲南太守伉永昌太守並封
亭侯進兵越嶲所在戰捷遂斬雍闓高定惟孟獲收闓餘衆以拒
獲素爲彝漢所服亮募生致之既得使觀營陣之間問曰此軍何
如獲曰向不知虛實故敗今直易勝耳亮笑而縱之使更戰七縱

七擒而亮猶遣獲獲止不去曰公天威也南人不復反矣遂至滇池四郡皆平即其渠帥而用之或以諫亮亮曰若留外人則當留兵兵留則無所食如焚新傷破父兄死喪留外人而無兵必生患又夷累有廢殺之罪自知釁重留外人終不相信今吾欲不留兵運糧而紀綱粗定彝漢粗安不亦可乎迺悉收其豪傑孟獲等以爲官屬出其金銀丹漆耕牛戰馬以給軍國之用終亮世彝不復反十二月亮還至成都治戎講武以候大舉方是時田疇辟倉廩實法度修立軍旅整理工械技巧物究其極吏不容奸人懷自勵疆不侵弱朝會不譁道不拾遺亦無醉人其餘力所及官府次舍

橋梁道路無不繕理五年三月亮統諸軍將北駐漢中帝下詔曰朕聞天地之道福仁而禍淫善積者昌惡積者喪古今常數也是以湯武修德而王桀紂極暴而亡曩者漢祚中微綱漏凶慝董卓造難震蕩京畿曹操階禍竊執天衡內懷無君之心子丕孤豎敢尋亂階盜據神器更姓改物世濟其凶當此之時皇極幽昧天下無主則我帝命隕越於下昭烈皇帝體明睿之德光續文武應乾坤之運出身平難經營四方人鬼同謀百姓與能兆民欣戴建位易號丕承天序補弊興衰存復祖業誕膺皇綱不墜於地萬國未靜早世遐殂朕以幼冲繼統鴻基未習保傅之訓而嬰祖宗之重

六合壅否社稷不建永惟所以念在匡救光載前緒未有攸濟朕甚懼焉是以夙興夜寐不敢自逸每崇菲薄以益國用勸分務穡以阜民財授方任能以參其聽斷私降意以養將士欲奮劍長驅指討凶逆朱旗未舉而不復殞喪斯所謂不然我新而自焚也殘類餘醜又支天禍恣睢河洛阻兵未弭諸葛丞相宏毅忠壯忘身憂國先帝託以天下以勗朕躬今授之以旌鉞之重付之以專命之權統領步騎二十萬衆董督元戎恭行天罰除患寧亂克復舊都在此行也昔項籍總一疆衆跨州兼土所務者大然卒敗垓下死於東城宗族如焚爲笑千載皆不以義陵上虐下故也今賊效

尤天人所怨奉時宜速庶憑炎精祖宗威靈相助之福所向必克吳王孫權同卹災患潛軍合謀犄角其後涼州諸國王各遣月支虞居胡侯支富康植等二十餘人詣受節度大軍北出便欲率將兵馬奮戈先驅天命旣集人事又至師貞勢并必無敵矣夫王者之兵有征無戰尊而且義莫敢抗也故鳴條之役兵不血刃牧野之師商人倒戈今旌麾首路其所經至亦不欲窮兵黷武有能棄邪從正簞食壺漿以迎王師國有常典封寵小大各有品限及魏之宗族枝葉中外有能規利害審順逆之數來詣降者皆原除之昔輔果絕親於智氏而蒙全宗之福此前世之明驗也若其沉迷

不返將助亂人不式王命戮及妻孥罔有攸赦廣宣恩威誅其元帥弔其殘民他如詔書律令丞相其露布天下使稱朕意焉亮命張裔叅軍蔣琬留統府事辟尹默來敏爲軍祭酒霍弋姚仲等皆入幕府並進文武之士亮稱之曰忠益者莫大於進人進人者各務其所尚今姚掾並存剛柔以廣文武之用可謂博雅矣願諸掾各舉此事長水校尉廖立見亮舉師對蔣琬等以爲不然且誹謗先帝訾毀衆臣亮奏以爲亂政廢爲庶人徙汶山亮以帝富於春秋忠邪難辯深惟根本至計臨發上疏曰先帝創業未半而中道崩殂今天下三分益州疲敝此誠危急存亡之秋也然侍衛之臣

不懈於內忠正之士忘身於外者蓋追先帝之殊遇欲報之於陛下也誠宜開張聖聽以光先帝遺德恢宏志士之氣不宜妄自菲薄引喻失義以塞忠諫之路也宮中府中俱爲一體陟罰臧否不宜異同若有作姦犯科及爲忠善者宜付有司論其刑賞以昭陛下平明之治不宜偏私使內外異法也侍中侍郎郭攸之費禕董允等此皆良實志慮忠純是以先帝簡拔以遺陛下愚以爲宮中之事事無大小悉以咨之然後施行必能裨補闕漏有所廣益將軍向寵性行淑均曉暢軍事試用於昔日先帝稱之曰能是以衆議舉寵爲督愚以爲營中之事事無大小悉以咨之必能使行陣

和睦優劣得所親賢臣遠小人此先漢所以興隆也親小人遠賢臣此後漢所以傾頽也先帝在時每與臣論此事未嘗不歎息痛恨於桓靈也侍中尚書長史參軍此悉端良死節之臣願陛下親之信之則漢室之隆可計日而待也臣本布衣躬耕南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬之中咨臣以當世之事由是感激遂許先帝以驅馳後值傾覆受任於敗軍之際奉命於危難之間邇來二十有一年矣先帝知臣謹慎故臨崩寄臣以大事也受命以來夙夜憂慮恐付託不效以傷先帝之明故五月渡瀘深入不毛今南方已定田兵已

足當獎率三軍北定中原庶竭駑鈍攘除奸凶興復漢室還於舊都此臣所以報先帝而忠陛下之職分也至於斟酌損益進盡忠言則攸之禱允之任也願陛下付臣以討賊興復之效不效則治臣之罪以告先帝之靈若亡興德之言則戮允等以彰其慢陛下亦宜自謀咨諏善道察納雅言深追先帝遺詔臣不勝受恩感激今當遠離臨表涕零不知所言遂行屯於沔陽亮以轉漕回遠使子喬親帥諸將子弟轉運於谷中孟達既北赴魏有李鴻者降蜀爲亮言叛人王冲見達稱明公切齒於達欲取其妻子者達曰諸葛公見顧有本未必不爾亮復以書遺達令自拔達欲舉新城郡

歸蜀亮至漢中逢每通其情會魏司馬懿覺引兵誅達六年正月
亮在漢中欲出兵攻魏與羣下謀之丞相司馬魏延曰魏夏侯懋
少主婿也怯而無謀願假延精兵五千負糧五千直從褒中出循
秦嶺而東當子午而北不過十日可至長安北東方相合聚尚二
十許日而公從斜谷來亦足以達如此則一舉而咸陽以西可定
也亮以爲不如從坦道平取爲正不用延計揚聲由斜谷取郿使
將軍趙雲爲疑兵據箕谷魏遣曹真都督關右軍鄒亮身率大衆
攻祁山戎陣整齊號令明肅南安天水安定三郡應亮魏朝恐懼
關中震懼羣臣莫知計所出魏主叡如長安命將軍張郃督馬步

五萬拒亮初越雋太守馬謖才器過人好論軍計亮深加器異及
攻南方謖爲亮言攻心爲上卒如其計昭烈臨終謂亮曰馬謖言
過其實不可大用亮以爲不然以謖爲參軍每引見談論自晝達
夜及出軍祁山謖督諸軍在前與張郃戰於街亭違亮節度舉措
煩擾舍水上山不下據城裨將王平連規諫不用遂大爲郃所敗
士卒離散獨平將千人自持收合諸營遺棄而還亮屯去謖數里
徐行引退拔西縣千餘家歸漢中收謖下獄戮以謝衆爲之流涕
自臨祭待其遺孤恩若平生蔣琬後詣漢中問亮天下未定戮智
計之士豈不惜乎亮流涕曰孫武所以能制勝於天下者用法明

也四海分裂兵交方始若復廢法何用討賊耶亮又誅將軍張休
李盛奪將軍黃襲等兵是時趙雲等亦敗於箕谷不至重傷貶雲
位號旌賞王平加拜參軍統五部進位討寇將軍封亭侯上疏自
劾曰臣以弱才叨竊非據親秉旄鉞以厲三軍不能訓章明法臨
事而懼至有街亭違命之闕箕谷不戒之失咎皆在臣授任無方
臣明不知人郵事多闇春秋責帥臣職是當請自貶三等以督厥
咎詔以亮爲右將軍行丞相事所總統如前亮之出師衆纔五萬
或勸亮發兵者亮曰大軍在祁山箕谷皆多於賊而不能破賊爲
所破者則此病不在兵少也在一人耳今欲減兵省將明罰思過

校變通之道於將來若不能然者雖兵多何益自今以後諸有忠
慮於國但勤攻吾之闕則事可定賊可死功可躋足而待矣於是
考微勞甄壯烈引咎責躬布所失於天下厲兵講武以爲後圖戎
士簡練民忘其敗矣亮之出祁山天水功曹姜維降亮以其敏於
軍事心存漢室辟爲室掾使典軍事平三羗有功封亭侯是歲十
一月亮聞孫權破曹休魏兵東下上疏曰先帝深慮漢賊不兩立
王業不偏安故託臣以討賊也以先帝之明量臣之才固知臣伐
賊才弱敵強也然不伐賊王業亦亡惟坐而待亡孰與伐之是故
託臣而不疑也臣受命之日寢不安席食不甘味思惟北征宜先

入南故五月渡瀘深入不毛并日而食臣非不自惜也顧王業不可偏安於蜀郡故冒危難以奉先帝之遺意也而議者謂爲非計今賊適疲於西又務於東兵法乘勞此進趨之時也謹陳其事如左高帝明並日月謀臣淵深然涉險被創危然後安今陛下未及高帝謀臣不如長平而欲以長計取勝坐定天下此臣之未解一也劉繇王朗各據州郡論安言計動引聖人羣疑滿腹衆難塞胸今歲不戰明年不征使孫策坐大遂并江東此臣之未解二也曹操智計殊絕於人其用兵也髣髴孫吳然困於南陽險於烏巢危於祁連偪於黎陽幾敗北山殆死潼關然後僞定一時耳况臣才弱而

欲以不危而定之此臣之未解三也曹操五攻昌霸不下四越巢湖不成任用李服而李服圖之委任夏侯而夏侯敗亡先帝每稱操爲能猶有此失况臣鴛下何能必勝此臣之未解四也自臣到漢中中間期年耳然喪趙雲陽羣馬玉閭芝丁立白壽劉郃鄧銅等及曲長屯將七十餘人突將無前寶叟青羗散騎武騎一千餘人此皆數十年之內所糾合四方之精銳非一州之所有若復數年則損三分之二也當何以圖敵此臣之未解五也今民窮兵疲而事不可息事不可息則任與行勞費正等而不及早圖之欲以一州之地與賊持久此臣之未解六也夫難平者事也昔先帝敗

忠正記 卷之一
軍於楚當此時曹操拊手謂天下已定然後先帝東連吳越西取巴蜀舉兵北征夏侯授首此操之失計而漢事將成也然後吳更違盟關羽毀敗種歸蹉跌曹丕稱帝凡事如是難可逆見臣鞠躬盡力死而後已至於成敗利鈍非臣之明所能逆睹也遂出散關急攻陳倉魏遣曹真救陳倉張郃繼之會亮糧盡引去魏將王雙率騎追亮亮與戰破之斬雙七年春亮遣將軍陳式攻武都陰平二郡魏雍州刺史郭淮引兵救之亮次建威淮退遁遂拔二郡蜀人皆以賀亮亮愀然曰普天之下莫非漢民國家威力未舉使百姓困於豺狼之吻一夫有死皆亮之罪以此相賀能無愧乎詔策

亮曰街亭之敗咎由馬謖而君引愆深自貶抑重違君意順聽所守前年耀師馘斬王雙今歲爰征郭淮遁走降集氏羌興復二郡威震凶暴功勳顯然方今天下騷擾元惡未梟君受大任幹國之重而久自抑損非所以光揚洪烈也今復君丞相君其勿辭夏吳孫權僭稱尊號其羣臣以並尊二帝來告議者以爲交之無益名體弗順宜顯明正義絕其盟好亮獨曰權有僭逆之心久矣國家所以略其釁情者求犄角之援也今若加顯絕讐我必深便將移兵東戍與之角力須并其土乃議中原彼賢才尚多將相輯睦未可一朝定也頓兵相持坐而須老使北賊得計非算之上者孝文

卒詞何，奴先帝優與吳盟，皆應權通變。宏思遠益，非匹夫之爲分者也。今議者咸以權利在鼎足，不能并力，且志望已滿，無上岸之情。推此皆似是而非也。何者？其勢不侔，故限江自保，權之不能越江，猶魏賊之不能渡漢，非力有餘而利不取也。若大軍致討，彼上當分裂其土，以爲後規；下當略民，廣境示武於內，非端坐者也。若就其不動而睦於我，我之北伐無東顧之憂，河南之衆不得盡西，此之爲利亦已深矣。權僭之罪未宜明也。乃遣衛尉陳震往賀，權權約中分天下。冬，亮徙府營於南山下原上，築漢城於沔陽，築樂城於成固。八年夏，魏使大司馬曹真由斜谷率諸將數道並進。

將軍司馬懿沂漢水，由西域與真會。秋，亮次成固赤坂，以待之。召前將軍李平將兵二萬赴漢中。表平子豐爲江州都督，典平後事。會天大雨，餘月棧道斷絕。魏主叡令真等引師退，亮使司馬懿延西入羌中，大破魏將費瑤、郭淮於陽谿。是歲，亮遷將琬爲長史，亮數出外，琬在成都常足食足兵，以相供給。亮每云：「公瑾託志忠雅，將與吾共贊王業者。」九年二月，亮復出祁山，以木牛運射用，連營皆亮所制也。亮圍祁山，招鮮卑軻比能，比能至北地石城，應亮。魏曹真有疾，魏主叡謂司馬懿曰：「西方事重，非君莫可付者。」使西屯長安督張郃、費曜、戴陵、郭淮等以禦之。三月，懿使曜、陵留精兵四

千守上邽餘衆悉出救祁山亮分兵留攻而自逆懿於上邽淮曜等徼亮亮破之因大芟其麥與懿遇於上邽東懿斂兵依險兵不敢交亮引還懿隨亮至鹵城又登山掘營不肯戰其下謂懿曰公畏蜀於虎奈天下笑何皆請戰懿病之五月使郤攻無當監何平於南圍自案中道向亮時蜀兵更下者十二魏軍始陣番兵適交叅佐俱言賊衆彊盛宜權留更卒張助聲勢亮曰吾統武行師大信爲本得原失信古人所惜更者束裝以待期妻子鶴望而計日雖臨征難義不廢也督遣令行於是去者感悅願留一戰止者憤踊思致死命使魏延高翔吳班與懿戰大破之獲甲首三千級懿走

保營六月亮以糧盡退師懿使張郃襲攻至木門道亮與戰又敗之射殺郃八月廢中都護李平徙梓潼郡方亮在祁山平掌運事值天霖雨糧運不繼平遣叅軍呼亮來還亮承以退平聞軍退乃更陽驚曰軍糧饒足何以便歸又表帝謂軍僞退以誘賊亮出其前後手書筆疏本末平頓首謝罪於是亮表平罪惡曰今篡賊未滅社稷多難國事惟和可以克捷不可包含以危大業遂廢徙焉平子豐時爲亮幕府叅軍亮與書曰吾與君父子戮力以獎漢室謂至心感動終始可保何圖中乖若都護思負一意君推心從事否可復通逝可復還也初平嘗與亮勸受錫進爵亮報之曰吾本

東方下士誤用於先帝位極人臣祿賜百億討賊未效知已未答而方寵齊晉坐自貴大豈其義乎若滅魏斬獻帝還故居與諸子并升可也亮自是歲冬以連年出師息民休士益勸農講武運米集斜谷邸閣三年而後用之亮用兵出入如賓踐敵境而芻蕘者不止師止如山進退如風出征之日天下震動而人心不憂雖數萬之衆而所興造若數十萬之功所至營壘井竈園溷藩籬障塞皆應繩墨一月之行去之如始至發教軍事文彩不艷過於丁寧而經事綜物公誠之心形於文墨夙興夜寐罰二十以上皆親省覽亮嘗自校簿書主簿楊顛直入諫以爲疲神碎務亮謝之及顛死

爲之泣涕三日十二年二月亮悉大衆十萬由斜谷出始以流馬運遣使約吳同時大舉四月至郿軍於渭水南據武功五丈原司馬懿度渭背水爲壘以拒亮亮每患糧運不繼使已志不伸乃分兵屯田爲久駐之基耕者雜於渭濱居民之間而百姓安堵軍無私焉亮數挑戰懿不敢出亮遣遺巾幘懿患之上表請戰魏主獻便辛毗杖節爲軍師以制之亮謂其下曰彼本無戰情所以固請戰者示武於其衆耳將在軍君命有所不受苟能制吾豈千里而請戰耶相持百餘日會秋亮有疾日侵密表帝曰臣若不幸後事宜以付蔣琬時帝亦遣尚書僕射李福省侍因諮以國家大計別

去數日復還亮曰知君還意近言語雖彌日有所不盡更來求決耳所問者公琰其宜也福復請亮曰文偉可以繼之又問其次亮不答文偉即費禕也初琬爲廣都長昭烈嘗奄至廣都琬衆事不治且復沉醉昭烈大怒將加戮亮曰琬社稷之器非百里才其爲政以安民爲本不事修飾願加察乃解禕爲黃門侍郎亮南征還羣僚迎謁於數十里外年位多在禕右者而亮特命禕同載衆皆易觀至是又並稱之後相繼總政事皆稱賢相云八月亮疾病授長史楊儀司馬費禕護軍姜維等退師節度有星墜於營中亮薨年五十四長史楊儀等整軍而出人往告懿懿勒兵追之姜維令

儀反旗鳴鼓若將向北者懿復引退不敢逼儀得結陣去入谷而後發喪秦人爲之諺曰死諸葛走生仲達懿按行亮營壘歎曰天下奇才也亮遺命葬漢中定軍山因山爲墳冢足容棺斂以時服不須器物詔笈曰惟君體資文武明睿篤誠受遺託孤匡輔朕躬繼絕興微志存靖亂爰整六師無歲不征神武赫然威震八荒將建殊功於季漢叅伊周之巨勳如何不弔事臨垂克遭疾殞喪朕用傷悼肝心若裂夫崇德序功紀行命謚所以光昭將來刊載不朽今贈君丞相武鄉侯印綬謚君忠武侯初亮自表帝曰成都有桑八百株薄田十五頃子孫衣食自餘饒至於臣在外任別無調

忠正詩 卷之一 三
度隨身衣食悉仰於官不別治生以長尺寸若臣死之日不使內
有餘帛外有贏財以負陛下訖如其言亮爲相十四年昭烈及後
主卽位纔兩赦或言大惜赦者亮曰治世以大德不以小惠若劉
景升季玉父子歲歲赦宥何補於治亮所廢李平常冀得自補復
聞亮薨策後人不能發憤死廖立亦垂涕歎曰吾終爲左袵矣亮
旣沒吏民歌思不忘多請爲亮立廟朝議以禮秩不聽百姓因時
節私祭之於道路言事者或以爲可聽立廟成都後主不從步兵
校尉習隆等表曰亮德範邇遐勲蓋季世興王室之不壞實斯人
是賴而丞嘗止於私門廟貌闕而莫立使百姓巷祭戎彘野祀非

所以存德念功述追在昔者也今若盡順民心則瀆而無興建之
京師又偏宗廟此聖懷所以惟疑也臣愚以爲宜因近其墓立之
於沔陽使所親屬以時祀祭凡其臣故吏欲奉祠者皆限至廟斷
其私祀以崇正禮於是始從之時亮薨一十有八年矣亮作八務
七戒六恐五懼皆有條章以訓厲臣子晉著作佐郎陳壽定著亮
文集凡二十四篇開府作牧權制計筭南征北出綜覈訓厲貴和
傳運軍令法檢兵要等皆名篇之目又作八陣圖蓋黃帝大公邱
井法人莫曉也亮駕馭諸將曲盡其情昭烈嘗令黃忠爲後將軍
亮曰忠名望素非關馬之倫今遽令同列馬超張飛親見其功尚

可喻旨羽遙聞之將不悅昭烈不聽頃之策羽爲前將軍羽果大
怒曰大丈夫終不與老兵同列費詩說之始拜命魏延楊儀皆小
人之難養者且不相能然延驍勇善撫士儀有幹用亮使儀當勞
劇延冒險阻皆受命捐軀不敢辭難及亮沒乃舉兵相圖以死亮
長史張裔嘗稱亮曰公賞不遺遠罰不阿近爵不可以無功取刑
不可以貴勢免此賢愚所以僉忘其身也陳壽評曰亮之爲相國
也撫百姓示儀軌約官職從權制開誠心布公道盡忠益時者雖
讐必賞犯法怠慢者雖親必罰服罪輸情者雖重必釋游辭巧飾
者雖輕必戮善無微而不賞惡無纖而不貶庶事精核物理其本

循名責實虛僞不齒經載十二而年名不易軍旅屢興而赦不妄
下袁曄稱之曰受六尺之孤攝一國之政事凡庸之君專權而不
失禮行君事而國人不疑樊建稱之曰聞惡必改而不矜過賞罰
之信足感神明亮子瞻嗣爵

廣漢郡張棡曰三代衰五伯起而功利之說盈天下謀國者不復
知正義明道之爲貴三老董公獨得宏綱以告漢高帝惜高帝猶
未能盡其用也武侯當漢祚之季乃能執其機而用之其言曰漢
賊不兩立臣鞠躬盡力死而後已至於成敗利鈍非臣之明所能
逆睹嗚呼此夏少康四十年經營宗祀而卒以配天之本心也若

侯者可謂有正大之體矣自幼讀書獨觀大略晨夜從容抱膝長嘯其胸中所見豈淺識所能窺哉高卧隆中不求聞達蓋將終身焉昭烈漢室之胃也而三顧之於草廬名義既正好賢之意又篤安得不以身許之昭烈與侯相周旋一以道義而忘勢受遺之際君臣肝胆相照無纖芥形迹何其盛歟侯恢復規模先務爲根本之計方建興初務農訓兵內治國事國事既定北向致討軍旅將發惓惓之憂實在後主拜表納忠反復曲折專以宮中府中之事爲言且陳親賢臣遠小人之義薦郭攸之等使在左右一篇之中三四致意焉而其終章尤爲切至侯之慮抑深且遠矣即侯行事

而觀之絕姑息之私意本常理之大公如明鏡洞然四達其聞過惟恐不及見善若出諸己人各盡其器能至或有罪雖入幕上賓如馬謖流涕斬之而弗釋也故李平廖立旣被廢放沒齒懷德蓋侯於斯世所欲不存焉娶婦沔陽惟賢是取人之訕笑不復顧也身都將相三十年間家之所有僅足子弟衣食之奉及其旣沒內無餘帛外無贏財視天下無一足以動乎中者其正大之體豈不具哉侯之事後主小心恭恪一國之柄舉出其手而人不知其爲權彼懷奸稔逆竊窺入宗祀者雨雪覘而誰侯敵哉侯之規模至使耕者雜於渭濱而軍無私焉輿圖之復已恢恢然在目中矣

不幸薨謝匪大數然歟或謂侯勸昭烈取荊州爲不義不知劉琮
既已迎降於操則荊州固魏之荊州矣於以取之豈不正乎惜昭
烈之失此機也又或謂魏延之策惜侯不用不知夫天將昌漢以
侯之舉措掃擒亂賊直餘事耳行險徼幸非侯志也嗚呼秦漢以
來士狃於戰國之餘習張子房爲拔出者而猶未免乎雜以伯術
若侯真豪傑之士無文王猶興者耶然使侯得游於洙泗之門講
學以終之則其所至又非予所知也予每恨陳壽私且陋凡侯經
略次第與夫燭微消患治國用人馭軍行師之要悉闕而不章幸雜
見於他傳及裴松之所註因哀而集之不敢飾辭以忘其實其妄

忠武誌卷之一

按太史公踵春秋之義作年表謹其始終表見其文凡盛衰大
指著於篇甚詳且要也惟忠武侯以王佐才生際漢亂志存興
復例得大書特書屢書故編年於首表事於年而桓靈之傾圮
羣奸之竊據昭烈之發跡播遷四方之舉動順逆俱備書之以
表侯當時事艱難功弗克遂而賞志以歿者非人謀之不臧也
天也而侯之出處存歿與炎祚之興亡相維繫亦於以表見焉

誌年表

辛酉 漢孝靈皇帝光和四年是歲侯生

按建興十二年甲寅丞相亮卒於軍時年五十四則知為辛酉
年生 是年皇子協生即獻帝

壬戌 光和五年

癸亥 光和六年

甲子 中平元年昭烈與關羽張飛義盟于涿

夏五月昭烈舉義兵討黃巾賊有功

乙丑 中平二年

丙寅 中平三年

丁卯 中平四年

長沙賊區星自稱將軍詔以議郎孫堅為長沙太守討平之封
堅烏程侯

戊辰 中平五年

太常劉焉建議以刺史威輕宜改置牧伯侍中董扶私謂焉曰
益州有天子氣焉乃求為益州牧州任之重自此始

己巳 中平六年靈帝崩

立皇子辯 何進謀誅宦官不就被殺袁紹勒兵捕諸宦官無
少長悉誅之召董卓將兵至京師卓廢帝立陳留王協袁紹奔

冀州 昭烈起兵討董卓

庚午 孝獻皇帝初平元年侯年十歲

是歲昭烈領平原相以關羽張飛為別部司馬劉表為荊州刺

史

辛未 初平二年

長沙太守孫堅起兵討董卓戰於陽人大破之卓請和堅不許

卓發掘洛陽諸陵遂入長安堅前入維修諸陵塞卓所發掘

袁紹使人說韓馥馥讓紹為冀州牧 袁術遣孫堅擊劉表表

將黃祖部曲射殺堅堅子策年十七欲復讐至壽春見術術以

策父兵千餘還策表為懷義校尉

壬申 初平三年

王允使呂布殺董卓卓將校求救不許武威賈翊勸李傕為卓

報讐大戰長安中允被殺

癸酉 初平四年

曹操攻徐州牧陶謙坑殺男女數十萬屠其三縣以謙別將殺

其父曹嵩故也

甲戌 興平元年

是歲陶謙卒眾推昭烈為徐州牧

乙亥興平二年侯年十五歲

李傕郭汜共鬪燒宮殿帝幸宏農長安城空四十餘日 按陳

志亮早孤從叔父元依荊州劉表則知侯寓襄鄧當在此年以

後

丙子建安元年

車駕至洛陽曹操迎天子遷都於許 袁術攻昭烈以爭徐州

呂布襲下邳 呂布攻昭烈昭烈敗走歸曹操操表為豫州牧

使東擊布

丁丑建安二年

載非實者則刪之庶幾讀者可以得侯之心近世鉅公作史書編年乃以魏年號接漢獻之統故其所書名不正而言不順予謂獻帝雖廢而昭烈以正義立於蜀武侯輔之漢統未墜地也要盡後主末年始係魏年號為正始侯在隆中傳稱以管樂自許予謂侯蓋師慕王者之佐其步趨則然豈與管樂同在功利之域者哉意其傳者之悞故不復辨云

荆州牧劉表不修職貢多行僭偽郊祀天地擬斥乘輿... 下其事車騎將軍董承賜受帝衣帶中密詔與昭烈共謀... 會操遣昭烈擊袁術昭烈遂破徐州刺史車胄東海郡縣...

興平二年侯年十五歲
李伯紀犯關燒宮殿帝幸宏農長安城空四十餘日
志亮早孤從叔父元依荊州劉表則知侯寓襄陽當在此年以
其幹管之妙道不野難云

蓋爾燕王皆之其其獸限然豈與管樂同其也味之其皆好意
至不中故亦難羊難為五故到五到中幹蘇以管樂自當于情於
節雖感而阻以五善立於世海到轉之其蘇未過此也其盡於
平以以駿羊難對黃燭之絲其也善各不五而言不則行出機
輝非實者俱細之無幾藍昔可以得對之心故甘論亦其史書蘇

韓暹楊奉寇略徐揚間昭烈邀擊斬之

戊寅建安三年

侯與徐元直孟公威石廣元遊學三人為學務於精熟而侯獨
觀大旨每晨夕從容抱膝長吟 曹操擒呂布殺之昭烈從操
還許表為左將軍

己卯建安四年

荊州牧劉表不修職貢多行僭偽郊祀天地擬斥乘輿詔書班
下其事車騎將軍董承稱受帝衣帶中密詔與昭烈共誅曹操
會操遣昭烈擊袁術昭烈遂殺徐州刺史車胄東海郡縣多叛

忠武志

卷之一 年表

天

操歸昭烈

庚辰 建安五年侯年二十歲

董承謀洩操殺承等自擊昭烈昭烈奔袁紹關羽表約詣曹詔以爲偏將軍是年關羽斬紹將顏良遂解白馬之圍曹操表羽爲漢壽亭侯羽盡封操所賜拜書告辭奔昭烈于袁軍

辛巳 建安六年

曹操擊昭烈昭烈奔劉表表使屯新野

壬午 建安七年

袁紹自軍敗慙憤發病嘔血死 曹操責孫權任子權引周瑜

定議遂不送質

癸未 建安八年

孫權西伐黃祖討山寇悉平之

甲甲 建安九年

曹操攻袁尚尚奔中山

乙酉 建安十年

曹操攻袁譚斬之

丙戌 建安十一年

荆州豪傑歸昭烈者日益多表疑其心陰禦之使拒夏侯惇于

禁於博望昭烈設伏自燒屯僞遁惇等追之伏發大敗

丁亥建安十二年

是年昭烈見侯於隆中凡三顧乃見時侯年二十七

按綱目書劉備見諸葛亮於隆中特筆也入綱目未有書見賢者於是特書交予之也備之業定於隆中終綱目書見賢一而已書法自三代衰王政廢士之隨世就功名者多矣當漢之末羣雄雲擾凡一智一能之士莫不乘時奮發斬以自見孰謂一世人龍如孔明者方且高卧隆中抱膝長吟略無意於當世而又以管樂自許者哉向使昭烈不垂三顧之勤

則將槁死巖穴與草木俱腐耳及其一起則功名事業彪炳顯著不可得而泯沒亮豈大言無當者彼其擇理甚精而處已甚明謂枉已不可以直人也故不苟合以求售謂托身不可以非所也故不肯苟仕於僭竊時乎未遇則高蹈邱園道苟可行則奮志事業君臣既合魚水相懽則聲大義於天下使興衰繼絕翊扶正統之志昭如日星然後篡竊之徒其罪始暴白而不可掩是豈區區一智一能之士隨世就功名者可同日語哉書劉備見諸葛亮於隆中其與聘莘野訪涓濱者越千載如出一轍嗚呼三代而後孰謂出處之正有如孔明

者哉不有君子表而出之則孔明亦後世人物耳噫發明
後主禪生於荊州按章武三年癸卯太子禪即位年十七則知
為丁亥生正侯出隆中之歲也

戊子建安十三年

劉表卒子琮降操昭烈走當陽侯奉命使吳與周瑜魯肅等破
操於赤壁以侯為軍師中郎將

按綱目書曹操東下孫權遣周瑜魯肅等與劉備迎擊於赤
壁大破之操引還赤壁之勝吳人專有其功今綱目於此乃
書瑜肅等與備迎擊破之何哉蓋當曹操東下之時吳人震

懼謀欲迎操雖有周瑜魯肅定謀於內然非昭烈孔明左右
感發於外則亦未必成功若是之捷觀之柴桑之說則可見
矣書法如此蓋亦推求其實而權其輕重耳夫豈過哉發明

己丑建安十四年

孫權分南岸地給昭烈

昭烈南征武陵等四郡皆降盧江雷緒率部曲數萬口來歸使
侯存臨蒸督零陵桂陽三郡調其賦稅以充軍實

庚寅建安十五年

是年侯三十歲

孫權以妹妻昭烈昭烈自詣孫權求都督荊州
有孔明勸孤莫行之語

以龐統為治中與侯並為軍師

是歲周瑜卒

辛卯 建安十六年

曹操以子丕為丞相副

益州別駕張松勸劉璋迎昭烈昭烈西上侯與雲長守荊州

壬辰 建安十七年

劉璋殺張松勅關戊勿逼昭烈昭烈怒斬璋將楊懷高沛昭烈

進攻涪城

癸巳 建安十八年

昭烈舉兵向雒劉璋諸將皆敗退多降昭烈

自十三年至此侯在荊州

甲午 建安十九年

龐統中流矢卒侯留關羽守荊州自率張飛趙雲等定郡縣張
魯使馬超救璋超降遂圍成都劉璋降

昭烈自領益州牧以侯為益州太守

乙未 建安二十年

昭烈聞曹操將攻漢中請和於孫權遂分荊州以湘水爲界

丙申 建安二十一年

曹操自進爵爲王

丁酉 建安二十二年

操設天子旌旗出入稱警蹕京兆金祿與少府耿紀司直韋晃大醫令吉本本于邈邈弟穆謀挾天子以攻操 昭烈進討漢中遣陳式等絕馬鳴閣道魏徐晃擊破之急書發益州兵侯以從事楊洪策遂發兵

戊戌 建安二十三年

曹操自將擊昭烈昭烈屯陽平

己亥 建安二十四年

昭烈自陽平南渡沔水遣黃忠擊斬夏侯淵遂定漢中進位漢中王 是年關羽攻樊曹仁于禁等七軍皆沒遂拔襄陽孫權稱臣於操遣呂蒙陸遜襲取江陵羽卒

庚子 建安二十五年 魏曹丕黃初元年

侯年四十歲 曹操死子丕篡漢封漢帝爲山陽公

辛丑 後漢昭烈皇帝章武元年 魏黃初二年

蜀中傳言漢帝遇害於是漢中王發喪制服侯與羣下勸稱尊

號夏四月王即皇帝位以侯為丞相

五月立子禪為皇太子

壬寅 章武二年 魏黃初三年

帝恥關羽之歿自將擊孫權為陸遜所敗入白帝城改白帝為

永安孫權求和遣鄭泉來聘帝使大中大夫宗瑋報之漢吳復

通 張飛卒以侯領司隸校尉

癸卯 章武三年夏五月以後即後帝建興元年 魏黃初四年

二月侯至永安四月帝崩於永安年六十三侯受遺詔奉喪還

成都五月太子禪即位年十七封丞相亮為武鄉侯兼領益州

牧政事皆決於亮

按綱目書帝崩于永安丞相亮受遺詔輔政自武宣之末書受

遺詔是後無聞焉於是復書亮其人也終綱目書受遺詔六司

馬懿書受遺不書詔不與焉 書法

使鄧芝聘吳 魏華歆王朗陳羣等各有書與侯欲使稱藩侯

不答作正議以絕之

甲辰 建興二年 魏黃初五年

吳張溫來聘復使鄧芝聘吳是年務農殖穀閉關息民

乙巳 建興三年 魏黃初六年

吳黃武四年

三月侯率衆南征詔賜侯金鈇鉞一具曲蓋一前後羽葆鼓吹各一部虎賁六十人侯自安上由水路入越雋別遣馬忠伐牂牁李恢向益州以犍爲太守廣漢王士爲益州太守高定自旄牛定笮卑水多爲屯守侯欲俟定軍到并討之軍卑水定部曲殺雍闓推孟獲爲主馬忠破牂牁李恢破南中至盤江與侯聲勢相連五月侯渡瀘水所在戰捷聞孟獲爲彝漢所服募生致之使觀於營陣之間七擒七縱南中諸郡悉平皆卽其渠帥而用之遂至滇池改益州爲建寧郡以李恢爲太守分建寧越嶲地爲雲南郡以呂凱爲太守王伉爲永昌太守移南中勁卒青羗

萬餘人於蜀爲五部所當無前號曰飛軍出其金銀丹漆耕牛戰馬給軍賦之用

丙午 建興四年 魏黃初七年 吳黃武五年

侯自南中還治兵講武以俟北伐 五月曹丕死丕子叡立

丁未 建興五年 魏太和元年 吳黃武六年

三月侯上表出師率衆伐魏屯於沔陽 是歲侯子瞻生按建

興十二年甲寅侯在武功與兄瑾書云瞻今八歲又按景耀元年癸未瞻戰死年三十七則知爲丁未年生

戊申 建興六年 魏太和二年 吳黃武七年

侯以長史張裔參軍蔣琬統留府事上表出師屯漢中

按綱目書丞相亮率諸軍出屯漢中以圖中原劉縯之起書曰興復帝室特筆也於是特書曰以圖中原其予亮以討復之義矣自是亮五伐魏必書丞相若右將軍予之也書法亮自三顧而出之後間關跋履左右昭烈未幾受遺輔政雖曰平定南夷然漢業未復國賊未清固當乘時進取今焉身率大軍北駐漢中將以規恢關洛克復舊物其志豈肯苟安一隅而已綱目書丞相亮率諸軍出屯漢中以圖中原其正大氣象讀之凜凜猶有生意義聲充滿於天地之間矣發明

使趙雲鄧芝爲疑軍據箕谷身率諸軍攻祁山南安天水安定三郡皆應關中響震前軍馬謖違侯節度敗於街亭侯收謖誅之乃拔西縣千餘家還漢中上疏請自貶三等帝以侯爲右將軍行丞相事

按綱目書丞相亮伐魏戰於街亭敗績詔貶亮右將軍行丞相事書伐魏尊漢也街亭之敗馬謖爲之書敗績魏書貶亮其不爲賢者諱何亮自貶也書曰詔貶適所以昭平明之治何諱焉故自是止書右將軍亮書法街亭之敗違命者馬謖耳而以丞相亮書之者權歸主將也貶官三等自請者孔明耳

而以詔貶亮書之者命出於上也惟孔明身任討伐之責事幼主而無貳心是以所書如此綱目亦豈私於孔明者哉

發明

十一月侯聞孫權破曹休魏兵東下關中虛弱復上表出師曹真使郝昭等守陳倉侯出散關圍陳倉相拒二十餘日糧盡而還斬其追將王雙

西建興七年 魏太和三年 吳黃龍元年

伐魏攻武都陰平郭淮敗走遂拔二郡復策拜丞相 夏四月

孫權稱帝使以並尊二帝來告遣衛尉陳震往賀因與吳盟

庚建興八年 魏太和四年 吳黃龍二年

侯年五十歲 魏曹真司馬懿入寇侯次於成固以待之魏延敗郭淮於陽谿

辛建興九年 魏太和五年 吳黃龍三年

伐魏圍祁山始以木牛運大敗司馬懿獲甲首三千級元鎧五千領角弩三千一百張糧盡引退殺其追將張郃

按綱目書亮敗魏司馬懿於鹵城殺其將張郃司馬懿用兵如神算無遺策未易敵也然每與丞相亮交鋒動輒敗北是

對者勃敵而非脆敵亮能勝之則其將略果有大過人者然則壽之妄肆譏評其說不攻自破矣世以成敗論人若壽輩者非一可勝歎哉發明

壬子建興十年魏太和六年 吳嘉禾元年

是年休士勸農教兵講武

癸丑建興十一年魏青龍元年 吳嘉禾二年

是年運米斜谷口治邸閣息民休士三年而後用之

甲寅建興十二年魏青龍二年 吳嘉禾三年

遣使約吳同時大舉由斜谷出師始以流馬運乃分兵屯田為

久駐計與司馬懿相守百餘日侯數挑戰懿不出乃遺懿巾幗婦人之服 八月丞相亮卒於軍年五十四遺命長史楊儀司馬費禕護軍姜維等為退軍節度司馬懿追之儀反旗鳴鼓若將向懿者懿懼不敢逼入谷然後發喪軍還成都葬漢中定軍山

按綱目書丞相武鄉侯諸葛亮卒於軍長史楊儀引軍還凡書卒於軍嘉死事也故具官爵姓亮自書出屯漢中以圖中原至是凡五書伐魏一書戰街亭敗績二書圍陳倉斬其將三書拔武都陰平四書敗司馬懿殺張郃於是書進軍書屯

田皆可紀也唯街亭一敗馬謖之罪耳亮方為足食計而以
 卒於軍書矣綱目書卒於軍八未有以丞相書者書丞相武
 鄉侯諸葛亮卒於軍軍國之可痛深矣此綱目所甚惜也書法
 嗚呼亮自經略中原至是首尾僅八載綱目五書伐魏一戰
 街亭一次成固一圍陳倉祁山一拔武都陰平一斬王雙敗
 司馬懿殺張郃至於是舉書進軍渭南分兵屯田懿雖引兵
 拒守甘受巾幗婦人之服勢已窮蹙而亮乃告終天不祚漢
 使之功業不就謂之何哉然亮受遺托孤之際蓋嘗以竭股
 肱之力効忠貞之節繼之以死為告至其出軍上表又以鞠

躬盡力死而後已為言由今觀之可謂不食其言矣書卒於軍
 以見歿於王事之實其討賊之義死而不屈至今凜凜猶有
 生氣其視曹馬輩欺孤弱寡孤媚以取人家國者曾犬彘之
 不若世豈可以成敗論人物哉不有綱目特書屢書表而出
 之則孔明亦若而人耳噫發明
 是年山陽公亦殂於魏魏人諡曰孝獻皇帝

按侯與獻帝生同辛酉歿同甲寅固已巧合且帝以八月葬
 而侯八月卒不尤異哉嗚呼漢不亡則侯不死侯死而漢乃

真亡矣

綱目以宋徽宗元元素與荆州牧劉表有舊往依之

東晉宋紀也唯傳之一敗馬渡之罪耳亮力為其食計可
 而劉人且卒不次異若劉和與不才傾刻不取刻而劉以
 選與與熲帝坐同辛酉歿同甲寅國日改合且帝以八月
 是年山則公亦取於魏人歸曰奉熲皇帝日五書代魏一
 女俱下即亦替而人耳劉明一按武都陰平一斬王雙
 不替世豈可以取規歸人歸不取歸日於書與書表則此
 坐厥其厥曹思輩烘必願寡必能以取人宋國善會大氣之
 以見劉欲王事之實其信規之善孫而不出至今劉劉劉
 諒盡大取而歸日為言由今歸之可歸不食其言矣善卒分軍

忠武誌卷之一

按吳書云諸葛其先葛氏瑯琊諸縣人後徙陽都陽都先有姓
 葛者時因謂之諸葛因為氏又按風俗通云葛嬰為陳涉將有
 功而誅漢文帝追錄封其孫諸縣侯因以為氏兩說不同其先
 代又無譜牒可考故世系斷自侯始

世系

侯諱亮字孔明瑯琊陽都人漢司隸校尉豐之後父珪字君貢漢
 末為泰山郡丞侯早孤從父元為袁術權豫章太守侯與弟均
 隨之官會朝廷以朱皓代元元素與荊州牧劉表有舊往依之

諸葛喬侯子字伯松本字仲慎兄瑾次子初侯未有子求喬爲嗣
瑾啟孫權遣喬來西侯以爲嫡子故易其字拜爲駙馬都尉隨
侯至漢中侯與兄瑾書曰喬本當還成都今諸將子弟皆得傳
運思惟宜同榮辱今使喬督五六百兵與諸子弟傳於谷中又
曰旣蒙東朝厚遇依依於子弟又子喬良器爲之惻愴見其所
與器物咸用流涕年二十五建興元年卒子攀官至行護軍翊
武將軍後諸葛恪見誅於吳子孫皆盡而侯自有冑裔故攀還
復爲瑾後

諸葛瞻字思遠侯子建興十二年侯出武功與兄瑾書曰瞻今八
歲而聰慧可愛嫌其早成恐不爲重器耳十七尙公主拜騎都
尉其明年爲羽林中郎將屢遷射聲校尉侍中尙書僕射加軍
師將軍瞻工書畫彊識念蜀人追思侯咸愛其才敏每朝廷有
一善政佳事雖非瞻所建倡百姓皆傳相告曰葛侯之所爲也
景耀四年爲行都護衛將軍與輔國大將軍南鄉侯董厥並平尙
書事六年冬魏征西將軍鄧艾伐蜀自陰平由景谷道旁入
瞻督諸軍至涪亭住前鋒破退還綿竹艾遺書誘瞻曰若降者
必表爲瑯琊王瞻怒斬艾使遂戰大敗臨陣死時年三十七
諸葛尙瞻長子隨父禦魏兵至綿竹及瞻戰死嘆曰父子荷國重

恩不早斬黃皓以致傾敗用生何爲乃馳赴魏軍死

諸葛京字行宗瞻次子及攀子顯等咸熙元年内移河東晉泰始中詔曰諸葛亮在蜀盡其心力其子瞻臨難而死義天下之善一也其孫京隨才署吏後爲郿令山濤啟事曰郿令諸葛京祖父亮遇漢亂分隔父子在蜀盡心所事京治郿自復有稱臣以爲宜補東宮舍人以明事人之禮副梁益之論京位至廣州刺史

諸葛瑾字子瑜侯兄少治毛詩尚書左氏春秋事繼母甚孝避亂江東爲吳大將軍領豫州牧封宛陵侯其爲人有容貌思度吳朝服其宏量與權談說諫喻未嘗切諤微見風采粗陳指歸如有未合輒捨而及他徐復托事造端以物類相求於是權意往往而釋其救解殷模朱治類如此初使蜀通好先主與其弟亮俱公會相見退無私面先主東伐吳吳主求和瑾與備賤論其輕重大小之數勸其抑威捐忿宜答和也時或言瑾別遣親人與備相聞權曰孤與子瑜有死生不易之誓子瑜之不負孤猶孤之不負子瑜也元德昔遣孔明至吳孤嘗語子瑜曰卿與孔明同產且弟隨兄於義爲順何以不留若留從卿孤當以書解元德意自隨人耳子瑜答孤言弟亮以失身於人委質定分義

無二心弟之不留猶瑾之不往也其言足貫神明今豈當有此乎時瑾與弟亮及從弟誕並有盛名各在一國時以為蜀得其龍吳得其虎魏得其狗子恪字元遜為吳丹陽守以招撫山寇功拜威北將軍封都鄉侯及權病革受遺輔少主亮為孫峻搆害後孫綝伏誅吳發峻棺改葬恪

諸葛均侯弟官至長水校尉

諸葛誕字公休侯從弟仕魏官至征東大將軍封山陽侯進司空與夏侯元齊名先為吏部即有所屬託輒顯其言而承用之後有當否則公議其得失以為褒貶自是羣僚莫不慎其所舉及

為揚州都督起兵討司馬昭傾帑賑施曲赦有罪以收衆心養輕俠數千人為死士司馬昭遣賈充至壽春見誕論時事因曰洛中諸賢皆願禪代君以為何如誕厲聲曰卿非賈豫州子乎世受魏恩豈可以社稷輸人若洛中有難吾當死之充默然還言於昭遂為昭所殺子覲字仲思奔吳為大司馬吳平歸晉覲子恢字道明位至尚書令明臣方孝孺曰諸葛氏兄弟三人仕於三國才氣雖不相類然孔明之下瑾與誕亦人豪也誕當司馬昭僭竊之時拒賈充之說起兵討之事雖無成身不失為忠義豈非凜然大丈夫乎世俗乃以是訾之謂蜀得龍吳得虎魏得

狗為斯言者必賈充之徒自以鬻國弑君取富貴為得計論人
成敗而不識逆順是非之辨者也豈非楊子雲所謂舍其木侯
而謂人木侯烹者耶

諸葛羲字基畫侯三十六代孫明崇禎間輯諸葛忠武侯全集

忠武侯集卷之十一 雜著 諸葛忠武侯全集 諸葛羲字基畫侯三十六代孫明崇禎間輯諸葛忠武侯全集

5412

48-11481

